

BEL

informas


Nº 09 -SEP / 83

INFORMA BULTENO DE BRAZILA ESPERANTO-LIGO

Boletim Informativo da Liga Brasileira de Esperanto

Praça da República 54-2º andar - 20.211 - Rio de Janeiro-RJ

BRASIL (Tel: 2326309)



IMPRESSO

UEA : NOVAJ KOTIZOJ POR 1984

Pere de cirkulero (1983.08.23) , la direktoro de la Centra Oficejo de UEA sciigis min pri la ĵus fiksitaj kotizoj por 1984 . Aldone , li klarigis , ke la Komitato aprobis ĝeneralan kotizaltiĝon de 12% . Tamen , pro la ekonomiaj malfacilaĵoj en Brazilo kaj najbaraj landoj , UEA ne kalkulis tiun altiĝon por la latinamerikaj kotizoj.

Interkonsente , la du landaj asocioj (BEL kaj KKE) decidis subteni la samajn kriteriojn disvastigitajn de "BEL-informas " n-ro 4 / Apr/83 , rilate al la kalkulado de kruzejraj ekvivalentoj por UEA-kotizoj /1984.

Resume , jen la kriterioj :

- 1) La ekvivalenta kotizotabelo por Brazilo baziĝos sur la samaj valoroj fiksitaj de UEA , laŭ Jarlibro/83 , por la internacia respondkupono , tio estas : 1 rpk=0,9gld.
- 2) La du perantoj akceptos de la membroj pagon , pere de respondkuponoj aŭ en ekvivalentaj kruzejoj ;
- 3) Por la kalkulo de la ekvivalentaj kruzejoj , la interesitoj devas multoblige la nombron de la necesaj respondkuponoj por ĝia aktuala valoro . Do , sufiĉas , ke la interesitoj demandu al iu ajn poŝta agentejo la kurantan prezon de la rpk por fari la nepran konverton al kruzejoj.

Fine , ni prezentas al vi la novan tabelon por 1984. Krome , por faciligi la komparon inter la kotizoj de 1983 kaj 1984 , ni represas la tabelon de la kuranta jaro.

KOTIZOJ		AM	MJ(-K)	MA(-K)	SA	Kto	SZ
1983	gld.	0,78	15,60	39,00	23,40	11,70	78,00
	rpk.	1	18	44	26	13	87
	G\$(*)	270,00	4.860,00	11.880,00	7.020,00	3.510,00	23.490,00
1984	gld.	0,80	16,00	40,00	24,00	12,00	80,00
	rpk.	1	18	45	27	14	89
	G\$(*)	270,00	4.860,00	12.150,00	7.290,00	3.780,00	24.030,00
(*) BONVOLU RIMARKI ,KE EN LA SUPRAJ TABELOJ ONI KONSIDERIS 1 rpk=6\$ 270,00. ANTAŬ OL SENDI VIAN KOTIZON AL PERANTO , NEPRE KONTROLU ,ĈU LA RESPOND-KUPONO ALTIĜIS. SE JES, REFARU LA KALKULON.							

SANGO DE ĈEFDELEGITO EN BRAZILIO

Ĵus okazis dum la 68a U.K. la estrara voĉdono pri sango de nia ĉefdelegito. La Oktobra numero de la revuo ESPERANTO oficiale informos pri la aprobo de la nomo interkonsente prezentita de BEL kaj KKE por plenumi tiun gravegan postenon. Ni uzas la okazon por gratuli la novan ĉefdelegiton , S-ron IVON BARBOSA , el Bauru-SP.

Ni estas konvinkitaj , ke li sukcesos daŭrigi la diligentan laboron faritan de lia anstataŭito , S-ro Giuseppe Grattapaglia.

HEROLDO DE ESPERANTO : NOVAJ KOTIZOJ . PROFITU LA OKAZON !

El cirkulero sendita de HdE , la 31an de Augusto 1983 , ni prenis la jenajn informojn :

"Ciuj tutnovaj devizaj abonantoj , kiuj pagos nun ĉe vi por 1984 (tiu oferto validas nur ĝis 31.XII.83) ricevos senpage la lastajn ĉijarajn numerojn , ekde la momento de abono ĝis la fino de 83 (ĝis eventuala elĉerpiĝo)."

"Sciencaj Suplementoj : en 1984 aperos 16 numeroj plus antaŭe planite Scienca Suplemento pri ekologio (red. Janusz Sulzycki , Pollando). Supozeble aperos krome speciala kanada kongreslanda Suplemento."

Finfine , la plej bona informo : La baza jarabono de HdE por 1984 restas senŝanĝa. Tamen , por nia lando estas speciala tarifo : Marpoŝte - US\$ 7,00. Aerpoŝte-US\$ 10,00.

Bonvolu rimarki , ke pro transpagaj malfacilaĵoj , BEL nur akceptos internaciajn respondkuponojn aŭ iliajn respondajn valorojn en nia nacia valuto , laŭ suba tabelo:

MARPOŬTE - 23 respondkuponoj =(hodiaŭ) 6\$ 270,00 x 23 = 6\$ 6.210,00.

AERPOŬTE - 32 respondkuponoj =(hodiaŭ) 6\$ 270,00 x 32 = 6\$ 8.640,00.

PRI NIA MEMBRARO : LASTAJ CIFEROJ

Jen la lastaj informoj pri BEL-membriĝoj :

MEMBRARO	MS	M1	M2	DM	BM	SUME
ĝis 1983.06.30	193	114	15	23	2	347
ĝis 1983.07.31	208	117	16	23	2	366
ĝis 1983.08.31	231	123	17	25	2	398

Cu vi estas unu el tiuj , kiuj forgesis pagi la jarkotizon respondan al la kuran-ta jaro ? Kie estas la brazilaj movadanoj ? Se vi opinias , ke niaj kotizoj estas tro altaj , aliĝu almenaŭ kiel Membro Simpatianto (6\$ 1.500,00 jare !) , por ke ni ne plu hontu pro tiu malgranda cifero (398 !) , kiu tute ne reprezentas la nombron da ekzistantaj brazilaj esperantistoj .

ESPERANTO - KLUBO DE PETRÓPOLIS -Elementa Kurso

S-ano Cleber Lemos , Prezidanto de Esperanto-Klubo de Petrópolis (Rua Paulo Barbosa 147 , s/8 , 25.600- Petrópolis-RJ) , sciigis nin pri funkciado de Elementa Kurso de Esperanto , ekde la 18a de Augusto 1983 , ĉiujande , ĉe sidejo de EDUCANDÁRIO PROFESSORES UNIDOS-EPU . Gvidas la kurson S-ro Délio Pereira de Souza . Ĉeestis la unuan lecionon 44 gelernantoj.

LANÇO DE RARA VERKO

En la sidejo de Brazila Esperanto-Ligo , la 27an de Aŭgusto , sabaton , de la 18a ĝis la 19a horo , estis lanĉita la tria eldono de MICROCOSMOS (Sonetos de Versos Monossilábicos) , de la poeto Diderto Freto . Tiu ĉi verko estas bibliografia raraĵo , ĉar ĝi konsistigas la unikan kolekton da sonetoj el monosilabaj versoj de la portugala lingvo . La okazaĵo allogis plurajn neesperantistoj al BEL. Inter la ĉeestantoj troviĝis estraranoj de la eldonejo SHOGUN ARTE .

GRUPO INTERNACIA LINGVO - VOLTA REDONDA-RJ

Laŭ bulteno eldonita de Associação Espírita Estudantes da Verdade (Rua Carlos Chagas 708 - Lucas , 27.180 -Volta Redonda-RJ) , tiu asocio ĵus kreis fakan grupon pri la internacia lingvo . Ĉiumonate , la trian sabaton , la grupanoj kunvenas por interŝanĝi ideojn , aŭdi Esperantajn sonbendojn , agadplani ktp .

LA TRIA FORUMO DE BEL - NEPRE ĈEESTU !

Sabaton , la 24an de Septembro , de la 5a ĝis la 6a vespere , okazos la tria "Forumo" de BEL , tio estas , debatoj en Esperanto , kun la partopreno de enskribitaj oratoroj kaj de la ĉeestantoj .

TEMO : IDEOJ POR PROGRESIGI LA ESPERANTO-MOVADON

DEBATONTOJ:

JORGE SOARES DAS NEVES , JOSÉ BONIFÁCIO LEITE , PAULO SÉRGIO VIANA kaj LUIZ ALBERTO COELHO .

La unua " Forumo " okazis la 2an de Julio 83 (temo: Instrumentadoj en Esperanto).

La dua okazis la 27an de aŭgusto pasinta (temo : La mortopuno)

Ambaŭ estis plene sukcesaj .